



Suliffigissaaneq pillugu siunnersuisoqatigiit

Det grønlandske Arbejdsmiljøråd

2013 Ukiumoortumik nalunaarut

Tunuliaqut

Beskæftigelsesministeriap nalunaarutaa, Kalaallit Nunaanni Sullivinni avatangiisit pillugit inatsit nr. 1048, 26. oktober 2005 –meersoq naapertorlugu, Kalaallit Nunaanni Suliffigissaaneq pillugu siunnersuisoqatigiit pilersinneqassapput. Kalaallit Nunaanni Suliffigissaaneq pillugu siunnersuisoqatigeearnerup siunertaraa sullivinni isumannaatsunik peqqinnartunillu avatangiisinik pilersitsinermi illuatungeriit, sulisartut sulisitsisullu sunniuteqaqataanissaannik periarfissiinissaq.

Suliffigissaasut ataatsimiitsitaliaata katitigaanera

Siulittaasoq	Ivalo Egede
SIK	Beathe Hendriksen
SIK	Jokum Zeeb
PIP, PK og IMAK	Lisbeth Frederiksen (næstformand for rådet)
AK og ASG i fællesskab	Aviaja Rohmann Pedersen
SSK	Gerth Lundblad
GA	Karsten Klausen
KANUKOKA	Erna Thomsen
Namminersorlutik Oqartussat	Kattie Lundgaard Pedersen
Atorfilittat toqqakkat aalajangeeqataanatik	
Sullivinnik Nakkutilliisoqarfik	Jens Jensen
Sullivinnik Nakkutilliisoqarfik	Jesper Labansen

Ukiup ingerlasimanera naatsumik

Ulloq 10. decemberi 2013 Suliffigissaaneq pillugu siunnersuisoqatigiit ataatsimiitsitaliaata ukiumoortumik unammisitsinerani ”Ukioq 2013-mi sullivinni avatangiisigissaarnerpaamik” toqqaaneq pivoq. Ajugaasutullu toqqagaavoq utoqqat angerlarsimaffiat Angerlarsimaffik Neriuserpaq, Maniitsoq, 64 –inik sulisulik.

Ukiut tulleriiginnaat pingajussaa ”Ukioq manna sullivik avatangiisigissaarnerpaamik toqqaaneq” 2013 –mi unammisutaalluni nittarsaaneqarluni ingerlanneqarpoq. 2013 –mi sullivinni tarnikkut atukkatigut avatangiisit kingumut qulequtarineqaqqippoq, tassani suliffeqarfiit peqataasut sulisutik sullivimminni tarnikkut avatangiisimikkut atukkatik pillugit skiimamut immersuullugit allattussagaat piumasaqataalluni.

Sullivinni avatangiisinik nakkutilliinermik ilinniartitaaneq inatsit malillugu pisussaaffiusoq 2013-mi Kalaallit Nunaanni 15-iarlugu ingerlanneqarsimavoq, katillugit pikkorissartunit 234 –nit peqataaffigineqarsimalluni.

Suliffigissaasut ataatsimiittarsimanerat

Suliffigissaasut 2013-mi ullut pingasut ataatsimiiffigisimavaat makkua:

- Ataatsiminneq nr. 1 ulloq 13. marts
- Ataatsiminneq nr. 2 ulloq 14. augusti
- Ataatsiminneq nr. 3 ulloq 20. novemberi

Innersuussutit & tusarniaanerit

2013 –mi ataatsimiitsitaliap tusarniaanerit makkua akissuteqarfigisimavaat:

- Kalaallit Nunaanni aatsitassanik atortussiassanik piiavinni sulineq pillugu nutaamik nalunaarutissatut missingersuut
- Kalaallit Nunaanni teknikkikkut atortorissaarutini atortulersorneq pillugu nalunaarutissatut missingersuut
- Kalaallit Nunaanni teknikkikkut atortorissaarutini atuineq pillugu nalunaarutissatut missingersuut

Sullivinni avatangiisit pillugit inatsimmi jf. §64 malillugu naammagittaalliutinik suliaqarneq

2013-mi Suliffigissaasut ataatsimiitsitaliaannut naammagittaalliutinik apuusisoqarsimangilaq.

Sammisimasat allat


Ataatsimiitsitaliap pingasoriarluni ataatsimissimanerata saniatigut, Suliffigissaaneq pillugu siunnersuisoqatigiit ataanni suleqatigiissitaq suligasuartartoq arlaleriaqaluni ataatsimiittarsimavoq.

Ataatsimiitsitaliaq inuusuttut sulinerat pillugu Sermitsiami aamma Anu una –mi arlalinnik allaaserisaqarsimapput, kiisalu aviisini nuna tamakkerlugu saqqummersartutigut Ukioq 2013-mi sullivinni avatangiisigissaarnerpaamik unammisitsineq pillugu takoqqusaarummik paasissutissiisimalluni.

Suliffigissaasut aningaasaqarnerat

Suliffigissaasut qallunaat aningaasanut inatsisaat aqqutigalugu aningaasalersugaavoq, 2013-milu 275.000 kr. aningaasartaqarluni. 2013-milu ukiumoortumik naatsorsuutit naammassineqarneranni aningaasaliissutit taakkua ilaat kr.-nit 205.346,32 atorneqarsimallutik.

Suliffigissaasut ataatsimiinneranni ulloq 16. juni 2014 -mi pisumi akuersissutigineqarput.



naast, Siulittaasoq